

如是教誡教授新發無上正等覺心諸菩薩摩訶薩令知諸法本性常空聞畢竟空歡喜信受時薄伽梵說是經已無量菩薩摩訶薩衆及諸聲聞人非人等一切大衆聞佛所說皆大歡喜信受奉行

十六末

大般若波羅蜜多經卷第五百三十七 稱七

大般若經第四會序

西明寺沙門

玄則

撰

稱八

若夫識之所識曷嘗非識如之所如未始不如是故能行與所行兼空則攝受之理廢自性與無性不異則執取之念忘若志執而有恃或存槩以墮業知盛修而不行乃虛已而

制勝恐野馬之情未戢故靈鷲之談復啟或曰其在名也每切有行之誠其於實也必警無行之怠塗致或爽折中奚歸竊應之曰一切凡夫剖名相之符保癡愛之宅所以措懷有著擬議必違至真反此動寂斯會由此言之行亦不行不行亦不行而宛然行矣宛然

不行矣以假名般若授假名菩薩是持幻法與幻人故無作亦無得此又晨蟬之語歲夢蝶之議覺乎慨斯取之未傾欣此教之方漸九二十九品一十八卷即舊小品道行新道行明度經品之爲言分也分有長短故有大品小品焉道行即分中之初品譯者取以別

經明度乃智度之異言即就總目爲號寔由殘缺未具故使名題亦差今大教克圓鴻規允布心術之要可復道哉

大般若波羅蜜多經卷第五百三十八

大傳三藏法師

玄奘奉

詔譯

第四分妙行品第一之一

如是我聞一時薄伽梵住王舍城鷲峯山中與大苾芻衆千二百五十人俱皆阿羅漢諸漏已盡無復煩惱得真自在心善解脫慧善解脫如調慧馬亦如大龍已作所作已辦所辦棄諸重擔逮得已利盡諸有結正知解脫至心自在第一究竟除阿難陀獨居學地真

壽善現而爲上首。爾時佛告具壽善現。汝以辯才應爲菩薩摩訶薩。衆宣說開示甚深般若波羅蜜多。教授教誡諸菩薩摩訶薩。令於般若波羅蜜多速得究竟。時舍利子作是念。言今者善現。爲以自力爲諸菩薩摩訶薩。衆宣說開示甚深般若波羅蜜多。爲承如來威

神之力。具壽善現承佛威神。知舍利子心之所念。便告具壽舍利子。言世尊。弟子敢有宣說。願了開示。皆承如來威神之力。何以故。舍利子。佛先爲他宣說。願了開示。法要彼依佛教。精勤修學。乃至證得諸法實性。後轉爲他有所宣說。願了開示。若與法性能不相違。皆

是如來威神加被。亦是所證法性等流。是故我當爲諸菩薩摩訶薩。衆宣說開示甚深般若波羅蜜多。教授教誡。令於般若波羅蜜多速得究竟。皆承佛力。非自辯才能。爲斯事。爾時善現便白佛。言世尊。令我爲諸菩薩摩訶薩。衆宣說開示甚深般若波羅蜜多。教授教

誡諸菩薩摩訶薩。令於般若波羅蜜多速得究竟。世尊。所言諸菩薩者。何法增語。謂爲菩薩。世尊。我不見有法。可名菩薩摩訶薩者。亦不見有法。可名般若波羅蜜多。世尊。我於菩薩及菩薩法。不見不得。亦復不見不得。般若波羅蜜多。云何。令我爲諸菩薩摩訶薩。衆宣

說開示甚深般若波羅蜜多。世尊。我以何等甚深般若波羅蜜多。教授教誡。何等菩薩摩訶薩。衆。令於般若波羅蜜多。速得究竟。世尊。若菩薩摩訶薩。聞如是語。心不沉沒。亦無退屈。不驚不怖。如深般若波羅蜜多。所說而住。修行般若波羅蜜多。令得究竟。當知即是教

授教誡。諸菩薩摩訶薩。令於般若波羅蜜多速得究竟。亦名爲彼。宣說開示甚深般若波羅蜜多。復次世尊。若菩薩摩訶薩。修行般若波羅蜜多。應如是學。謂不執著大菩提心。所以者何。心非心性。本性淨故。時舍利子問善現。言爲有非心。心之性不善現。反問舍利子

言非心心性若有若無爲可得不舍利子言不也善現善現便謂舍利子言非心心性若有若無既不可得如何可問爲有非心心性不時舍利子問善現言何等名爲心非心性善現答言若無變壞亦無分別是則名爲心非心性時舍利子讚善現言善哉善哉誠

如所說佛說仁者住無諍定最爲第一實如聖言若菩薩摩訶薩聞如是語心不沉沒亦無退屈不驚不怖當知已於所求無上正等菩提得不退轉若菩薩摩訶薩如是觀察心非心性當知不離甚深般若波羅蜜多若善男子善女人等欲勤修學諸聲聞地若獨覺

地若菩薩地皆應於此甚深般若波羅蜜多至心聽聞受持讀誦精勤修學方便善巧今所修行速得究竟所以者何於此般若波羅蜜多甚深經中廣說一切所應學法若菩薩摩訶薩勤求無上正等菩提欲正修行諸菩薩行欲具成就方便善巧及諸佛法皆應於

此甚深般若波羅蜜多至心聽聞受持讀誦令善通利如說修行所以者何於此般若波羅蜜多甚深經中廣說一切諸菩薩摩訶薩所應學法若菩薩摩訶薩能於此中精勤修學必得無上正等菩提一切所求無不滿足亦時具壽善現復白佛言世尊我觀菩薩但

有假名不知不見實事我觀般若波羅蜜多亦但有假名不知不見實事當爲何等菩薩摩訶薩宣說開示何等甚深般若波羅蜜多教授教誡何等菩薩摩訶薩令於何等般若波羅蜜多速得究竟世尊我觀菩薩及深般若波羅蜜多但有假名不知不得

不見實事而於其中說有菩薩及深般若波羅蜜多便有疑悔世尊甚深般若波羅蜜多及菩薩名俱無決定亦無住處所以者何如是二名俱無所有無所有法無定無住若菩薩摩訶薩聞說如是甚深般若波羅蜜多心不沉沒亦無退屈不驚不怖深心信解當知

是菩薩摩訶薩安住般若波羅蜜多常不遠離以無所住而為方便安住菩薩不退轉地復次世尊諸菩薩摩訶薩修行般若波羅蜜多不應住色亦不應住受想行識所以者何若住於色便作色行非行般若波羅蜜多若住受想行識便作受想行識行非行般若波

羅蜜多所以者何非作行者能攝般若波羅蜜多不攝般若波羅蜜多則於般若波羅蜜多不能修習若於般若波羅蜜多不能修習則於般若波羅蜜多不能圓滿若於般若波羅蜜多不能圓滿便不能得一切智智若不能得一切智智便不能攝所攝有情是故不

應攝受諸色受想行識所以者何色於般若波羅蜜多不可攝受受想行識於般若波羅蜜多亦不可攝受色不可攝受故則非色受想行識亦不可攝受故則非受想行識甚深般若波羅蜜多亦不可攝受故便非般若波羅蜜多諸菩薩摩訶薩應行如是甚深般若

波羅蜜多若行如是甚深般若波羅蜜多是名菩薩於一切法無攝受定廣大無對無量決定不共一切聲聞獨覺亦不攝受一切智智所以者何是一切智智非取相修得諸取相者皆是煩惱若取相修得一切智智者則勝軍梵志於一切智智不應信解是勝軍梵

稱八

五

志雖由信解力歸趣佛法名隨信行而能以少分智觀一切法性空悟入一切智智既悟入已不取色相亦不取受想行識相非以喜樂觀見此智不以外色受想行識觀見此智不以外色受想行識觀見此智亦不以外色受想行識觀見此智亦不離色受想行識觀見此智勝軍梵志以如是等諸離相門於一切智智深生信解於一切法皆無取著如是梵志以離相門於一切智智得信解已於一切法皆不取相亦不思惟無相諸法如是梵志由勝解力於一切法不取不捨無得無證時彼梵志於自信解乃至涅槃亦不取著

以真法性為定量故世尊是菩薩摩訶薩甚深般若波羅蜜多當知於色受想行識亦不攝受雖於諸法無所攝受若未圓滿如來十力四無所畏四無礙解及十八不共法等終不中道而般涅槃當知如是諸菩薩摩訶薩甚深般若波羅蜜多雖無取著而能成辦諸勝事業復次世尊諸菩薩摩訶薩修行般若波羅蜜多時應如是觀察何等是般若波羅蜜多何故名般若波羅蜜多如是般若波羅蜜多為何所作世尊是菩薩摩訶薩修行般若波羅蜜多時應如是觀察若法無所有不可得是為般若波羅蜜多無所有中何所徵詰世尊若菩薩摩訶薩於如是事審觀察時心不沉沒亦無退屈不驚不怖當知不離甚深般若波羅蜜多時舍利子問善現言若色離色自性受想行識離受想行識自性般若波羅蜜多離般若波羅蜜多自性一切智智離一切智智自性何緣故知諸菩薩摩訶

薩不離般若波羅蜜多善現答言如是如是舍利子諸色離色自性受想行識離受想行識自性般若波羅蜜多離般若波羅蜜多自性一切智智離一切智智自性般若波羅蜜多自相亦離自相般若波羅蜜多自性亦離自性相亦離自性自性亦離相相亦離相自性亦離自性能相亦離所相亦離能相能相亦離能相所相亦離所相若菩薩摩訶薩能如實知如是義者常不遠離甚深般若波羅蜜多時舍利子問善現言若菩薩摩訶薩於此中學速能成辦一切智智耶善現答言如是如是舍利子若菩薩摩訶薩於此中學速能成辦一切智智何以故舍利子是菩薩摩訶薩知一切法無生滅故舍利子若菩薩摩訶薩能如是行甚深般若波羅蜜多則為隣近一切智智復次舍利子諸菩薩摩訶薩若行色為行相若行色相為行相若行色無相相為行相若行色生為行相若行色滅

攝八

六

為行相若行色壞為行相若行色空為行相
若謂我能行為行相若謂我是菩薩能有所
行為行相若謂我是菩薩能有所為行相
若行受想行識為行相若行受想行識相為
行相若行受想行識無相相為行相若行受
想行識生為行相若行受想行識滅為行相

若行受想行識壞為行相若行受想行識空
為行相若謂我能行為行相若謂我是菩薩
能有所行為行相若謂我是菩薩能有所得
為行相若作是念若能如是行是修行般若
波羅蜜多亦為行相當知是菩薩無方便善
巧雖有所行非行般若波羅蜜多時舍利子

善八

七

問善現言諸菩薩摩訶薩當云何行名行般
若波羅蜜多善現答言諸菩薩摩訶薩若不
行色不行色相不行色無相相不行色生不
行色滅不行色壞不行色空是行般若波羅
蜜多諸菩薩摩訶薩若不行受想行識不行
受想行識相不行受想行識無相相不行受

想行識生不行受想行識滅不行受想行識
壞不行受想行識空是行般若波羅蜜多若
菩薩摩訶薩不取行不取不行不取亦行亦
不行不取非行非不行是行般若波羅蜜多
何以故舍利子以一切法皆不可取不可隨
行不可執受離性相故如是名為諸菩薩摩

訶薩於一切法無取執定廣大無對無量決
定不共一切聲聞獨覺若菩薩摩訶薩安住
此定速證無上正等菩提具壽善現承佛神
力復語大德舍利子言若菩薩摩訶薩安住
此定當知已為過去如來應正等覺現前授
記是菩薩摩訶薩雖住此定而不見此定亦
不著此定名亦不念言我於此定已正當入
亦不念言唯我能入此定非餘彼如是等尋
思分別由此定力一切不起時舍利子問善
現言若菩薩摩訶薩由住此定已為過去諸
佛世尊現前授記是菩薩摩訶薩為能顯示
如是定不善現答言不也舍利子何以故是

善男子於如是定無解無想舍利子言具壽
 說彼諸善男子於如是定無解無想耶善現報
 言我定說彼諸善男子於如是定無解無想
 所以者何如是諸定無所有故彼善男子於
 如是定無解無想如是諸定於一切法亦無
 解想所以者何以一切法無所有故時薄伽

梵讚善現言善哉善哉如汝所說故我說汝
 住無諍定最為第一汝承如來神力加被能
 作是說如是善現諸菩薩摩訶薩欲學般若
 波羅蜜多應如是學所以者何若菩薩摩訶
 薩能如是學乃名真學甚深般若波羅蜜多
 時舍利子便白佛言若菩薩摩訶薩能如是

學於深般若波羅蜜多名真學耶佛告舍利
 子若菩薩摩訶薩能如是學於深般若波羅
 蜜多名為真學以無所得為方便故時舍利
 子復白佛言若菩薩摩訶薩能如是學以無
 所得為方便耶佛告舍利子若菩薩摩訶薩
 如是學時於一切法以無所得而為方便時

舍利子復白佛言諸菩薩摩訶薩如是學時
 於何法學佛告舍利子諸菩薩摩訶薩如是
 學時非於法學何以故舍利子如諸愚夫異
 生所執非一切法如有故時舍利子復白
 佛言若亦諸法如何而有佛告舍利子如無
 所有如是而有若於如是無所有法不能了

達說名無明愚夫異生於一切法無所有性
 無明貪愛增上勢力分別執著斷常二邊由
 此不知不見諸法無所有性分別諸法由分
 別故便生執著由執著故分別諸法無所有
 性由此於法不見不知以於諸法不見不知
 分別過去未來現在由分別故貪著名色著

名色故分別執著無所有法於無所有法分
 別執著故於如實道不知不見不能出離三
 界生死不信諦法不覺實際是故墮在愚夫
 數中由斯菩薩摩訶薩於法性相都無執
 著時舍利子復白佛言諸菩薩摩訶薩如是
 學時豈亦不學一切智智佛告舍利子諸菩

八

九

陸摩訶薩如是學時亦不求學一切智智然諸菩薩摩訶薩如是學時雖無所學而名真學一切智智便能隣近一切智智速能成辦一切智智亦時善現便白佛言設有人來作如是問諸幻化者若有修學一切智智彼能隣近一切智智及能速成辦一切智智不我

得此問當云何答佛告善現我還問汝隨汝意答於意云何幻化與色爲有異不幻化與受想行識爲有異不善現答言幻化不異色色不異幻化幻化即是色色即是幻化幻化不異受想行識受想行識不異幻化幻化即是受想行識受想行識即是幻化佛告善現

於意云何五取蘊中起想等想施設言說假名菩薩摩訶薩不善現對曰如是世尊佛告善現諸菩薩摩訶薩求趣無上正等菩提修學般若波羅蜜多一切皆如幻化者學何以故幻化即是五取蘊故所以者何我說五蘊眼等六根皆如幻化都非實有具壽善現復

白佛言若菩薩摩訶薩新學大乘聞如是說其心將無驚怖退屈佛告善現若菩薩摩訶薩新學大乘親近惡友聞如是說心便驚怖則生退屈若近善友雖聞此說而不驚怖亦無退屈具壽善現復白佛言何等名爲菩薩惡友佛告善現諸菩薩摩訶薩惡友者謂若

教授教誡菩薩摩訶薩衆令離布施乃至般若波羅蜜多令離所求一切智智令學取相世俗書典令學聲聞獨覺經法又不爲說魔事魔過令所修學不能成辦如是名爲菩薩惡友具壽善現復白佛言何等名爲菩薩善友佛告善現諸菩薩摩訶薩善友者謂若教

授教誡菩薩摩訶薩衆令學布施乃至般若波羅蜜多令學所求一切智智令離取相世俗書典令離聲聞獨覺經法爲說種種魔事魔過令其覺知方便棄捨令所修學疾得成辦如是名爲趣大乘道大誓莊嚴菩薩善友具壽善現復白佛言所說菩薩摩訶薩者何

新八

十

等名為菩薩句義佛告善現學一切法無著無礙覺一切法無著無礙求證無上正等菩提饒益有情是菩薩義具壽善現復白佛言菩薩何緣名摩訶薩佛告善現以諸菩薩於大有情眾中當為上首故復名摩訶薩時舍利子便白佛言我以辯才樂說菩薩由此義

故名摩訶薩唯願聽許佛告舍利子今正是時隨汝意說舍利子言以諸菩薩方便善巧為諸有情宣說法要令斷我見有情見命者見補特伽羅見有見無有見斷見常見薩迦耶見及餘種種有所執見依如是義名摩訶薩亦時善現便白佛言我以辯才樂說菩薩

由此義故名摩訶薩唯願聽許佛告善現今正是時隨汝意說善現白言以諸菩薩為欲證得一切智智發菩提心及無漏心無等等心不共聲聞獨覺等心於如是心亦不執著依如是義名摩訶薩所以者何以一切智智是真無漏不墮三界求一切智智心亦是真

無漏不墮三界於如是心不應執著是故菩薩名摩訶薩時舍利子問善現言何因緣故於如是心亦不執著善現答言如是諸心無心性故不應執著時舍利子問善現言是心為有非心性不善現反問舍利子言此非心性若有若無為可得不得舍利子言不也善現

釋八

十一

善現報言此非心性若有若無既不可得如何可問是心為有非心性不時舍利子讚善現言善哉善哉如是如是佛說仁者住無諍定最為第一實如聖言時滿慈子便白佛言我以辯才樂說菩薩由此義故名摩訶薩唯願聽許佛告滿慈子今正是時隨汝意說滿

慈子言以諸菩薩普為饒益一切有情被大功德鎧故發趣大乘故乘大乘故名摩訶薩亦時善現便白佛言如世尊說諸菩薩摩訶薩被大功德鎧齊何當言諸菩薩摩訶薩被大功德鎧佛告善現諸菩薩摩訶薩作如是念我應度脫無量無數無邊有情入無餘依

般涅槃界難度如是無量無數無邊有情入
無餘依般涅槃界而無有法及諸有情得涅槃者所以者何諸法法性應如是故譬如幻師或彼弟子於四衢道化作大衆更相加害於意云何此中有實更相加害死傷事不善現對曰不也世尊佛告善現諸菩薩摩訶薩

亦復如是難度如是無量無數無邊有情入無餘依般涅槃界而無有法及諸有情得涅槃者若菩薩摩訶薩聞如是事不驚不怖亦無退屈當知是菩薩摩訶薩被大功德鎧亦時善現便白佛言如我解佛所說義者諸菩薩摩訶薩不被功德鎧當知是為被大功德

鎧佛告善現如是如是諸菩薩摩訶薩不被功德鎧當知是為被大功德鎧所以者何一切智智無造無作一切有情亦無造無作諸菩薩摩訶薩為欲饒益彼有情故被功德鎧具壽善現復白佛言何因緣故一切智智無造無作一切有情亦無造無作諸菩薩摩訶

薩為欲饒益彼有情故被功德鎧佛告善現以諸作者不可得故所以者何色非造非不造非作非不作受想行識非造非不造非作非不作何以故色乃至識不可得故具壽善現便白佛言如我解佛所說義者色乃至識無染無淨所以者何色無縛無解受想行識

解八

十二

亦無縛無解色真如無縛無解受想行識真如亦無縛無解時滿慈子問善現言尊者說色無縛無解說受想行識亦無縛無解說色真如無縛無解說受想行識真如亦無縛無解耶善現答言如是如是滿慈子言說何等色無縛無解說何等受想行識亦無縛無解說何等色真如無縛無解說何等受想行識真如亦無縛無解耶善現答言我說如幻士色無縛無解說如幻士受想行識亦無縛無解說如幻士色真如無縛無解說如幻士受想行識真如亦無縛無解所以者何色乃至識及彼真如無所有故無縛無解遠離故無

縛無解寂靜故無縛無解無相故無縛無解無作故無縛無解無生滅故無縛無解無染淨故無縛無解是名菩薩摩訶薩發趣大乘被功德鎧時滿慈子聞如是說歡喜信受嘿然而住尔時善現便白佛言諸菩薩摩訶薩發趣大乘被功德鎧乘於大乘云何大乘齊

何當言發趣大乘如是大乘從何處出至何處住如是大乘為何所住誰復乘是大乘而出佛告善現言大乘者即是無量無數增語無邊功德共所成故汝次所問齊何當言發趣大乘者善現當知若菩薩摩訶薩勤行布施乃至般若波羅蜜多從一菩薩地趣一菩

編八

十三

陸地齊此當言發趣大乘汝次所問如是大乘從何處出至何處住者善現當知如是大乘從三界中出至一切智智中住然以無二為方便故無出無住汝次所問如是大乘為何所住者善現當知如是大乘都無所住以一切法皆無所住然此大乘住無所住汝後

所問誰復乘是大乘出者善現當知都無乘是大乘出者所以者何若所乘乘若能乘者由此為此若處若時皆無所有都不可得一切法皆無所有不可得故於中何法乘何法出至何處住而言乘者具壽善現復白佛言言大乘大乘者普超一切世間天人阿素

洛等最尊最勝如是大乘與虛空等譬如虛空普能容受無量無數無邊有情大乘亦亦普能容受無量無數無邊有情又如虛空無來無去無住可見大乘亦亦無來無去無住可見又如虛空前後中際皆不可得大乘亦亦爾前後中際皆不可得如是大乘最尊最勝

與虛空等多所容受無動無住三世平等超過三世故名大乘佛告善現善哉善哉如是如是如汝所說菩薩大兼具如是等無邊功德時滿慈子便白佛言世尊先教大德善現為諸菩薩摩訶薩眾宣說開示甚深般若波羅蜜多而今何故乃說大乘尔時善現即白

佛言我從前來所說種種大乘之義將無違越所說般若波羅蜜多佛告善現汝從前來所說種種大乘之義皆順般若波羅蜜多無所違越所以者何一切善法無不攝入甚深般若波羅蜜多具壽善現復白佛言諸菩薩摩訶薩前際不可得後際不可得中際不可

得所以者何色無邊故當知菩薩摩訶薩亦無邊受想行識無邊故當知菩薩摩訶薩亦無邊復次世尊即色菩薩摩訶薩無所有不可得即受想行識菩薩摩訶薩無所有不可得離色菩薩摩訶薩無所有不可得離受想行識菩薩摩訶薩無所有不可得如是世尊

釋八

十四

我於此等一切法以一切種一切處一切時求菩薩摩訶薩都無所見竟不可得求深般若波羅蜜多亦都無所見竟不可得求一切智智亦都無所見竟不可得云何令我教授教誡諸菩薩摩訶薩令於般若波羅蜜多速得究竟謂疾證得一切智智復次世尊諸菩

薩摩訶薩但有假名都無自性如說我等畢竟不生但有假名都無自性諸法亦尔畢竟不生但有假名都無自性此中何等是色畢竟不生若畢竟不生則不名色何等是受想行識畢竟不生若畢竟不生則不名受想行識世尊色是菩薩摩訶薩不可得受想行識

是菩薩摩訶薩不可得此不可得亦不可得我於如是一切法以一切種一切處一切時求菩薩等皆不可得當教何等法修何等法於何等處時證何等法復次世尊佛薄伽梵但有假名一切菩薩但有假名甚深般若波羅蜜多但有假名如說我等畢竟不生但有

假名都無自性諸法亦尔但有假名都無自性何等是色既不可取亦不可生何等是受想行識既不可取亦不可生諸法自性既不可取亦不可生若法無性亦不可生此無生法亦不可生我豈能以畢竟不生般若波羅蜜多教授教誡畢竟不生諸菩薩摩訶薩令

釋八

十五

得究竟世尊離不生法無法可得亦無菩薩
 摩訶薩能行無上正等菩提世尊若菩薩摩
 訶薩聞如是說心不沉沒亦無退屈不驚不
 怖當知是菩薩摩訶薩能修行般若波羅蜜
 多所以者何時菩薩摩訶薩行深般若波羅
 蜜多觀察諸法是時菩薩摩訶薩於一切色

都無所得無受無取無住無著亦不施設為
 色於一切受想行識都無所得無受無取無
 住無著亦不施設為受想行識是菩薩摩訶
 薩行深般若波羅蜜多時不見色亦不見受
 想行識所以者何以色性空無生無滅受想
 行識性空無生無滅世尊色無生無滅即非

色受想行識無生無滅即非受想行識所以
 者何色乃至識與無生無滅無二無二分何
 以故以無生無滅法非一非二非多非異是
 故色乃至識無生無滅即非色乃至識世尊
 色無二即非色受想行識無二即非受想行
 識世尊色入無二法數受想行識入無二法

數若說色即說無二法若說受想行識即說
 無二法時舍利子謂善現言如我領解仁所
 說義我有情等畢竟不生色乃至識畢竟不
 生諸佛菩薩畢竟不生若如是者何緣菩薩
 摩訶薩為度無量無數有情修多百千難行
 苦行備受無量難忍大苦善現報言舍利子

非我於彼無生法中許有菩薩摩訶薩為度
 無量無數有情修多百千難行苦行備受無
 量難忍大苦然諸菩薩摩訶薩雖為有情修
 無量種難行苦行而於其中無苦行想所以
 者何若於苦行作苦行想終不能為無量無
 數無邊有情作大饒益然諸菩薩摩訶薩眾

以無所得而為方便於諸苦行作樂行想於
 難行行作易行想於諸有情作如父母兄弟
 妻子及己身想為度彼故發起無上正等覺
 心乃能為彼無量無數無邊有情作大饒益
 復次舍利子諸菩薩摩訶薩於一切有情起
 如父母兄弟妻子己身想已作如是念我當

稱八

度脫一切有情令離一切生死眾苦起多百
千難行苦行寧捨自身而不捨彼然於有情
苦及苦行不起有情苦苦行想復作是念我
當度脫一切有情令離無邊諸大苦蘊假使
為彼斷截我身為百千分終不退屈然於其
中不起難行苦行之想復次舍利子諸菩薩

摩訶薩應作是念如我自性於一切法以一
切種一切處時求不可得內外諸法亦復如
是都無所有皆不可得若住此想便不見有
難行苦行由此能為無量無數無邊有情修
多百千難行苦行作大饒益

十六末

大般若波羅蜜多經卷第五百三十八 稱八
槩反古愛隳壞許也反戢阻也止反也敞顯也兩反剖
反也措舉音也也蟬晨音生夕小也也鴻規下音也也嘿音同也
法則也大速得代徵詰難問也也一反嘿同也

大般若波羅蜜多經卷第五百三十九 稱九

大唐三藏法師 玄奘奉 詔譯

第四分妙行品第一之二

時舍利子問善現言是諸菩薩實無生不善
現答言是諸菩薩皆實無生舍利子言為但
菩薩是實無生為菩薩法亦實無生善現答

言諸菩薩法亦實無生舍利子言為但菩薩
法是實無生為一切智智亦實無生善現答
言一切智智亦實無生舍利子言為但一切
智智是實無生為一切智智法亦實無生善
現答言一切智智法亦實無生舍利子言為
但一切智智法是實無生為異生類亦實無

生善現答言諸異生類亦實無生舍利子言
為但異生類是實無生為異生法亦實無生
善現答言諸異生法亦實無生時舍利子語
善現言若諸菩薩皆實無生諸菩薩法亦實
無生一切智智是實無生一切智智法亦實
無生諸異生類是實無生異生類法亦實無